

卿擇其一。清正乃請肥後。衆笑之。秀吉曰：肥後號為難治。成政老鍊猶且不能綏定。而清正請之。其志壯矣。吾知其必能鎮定境內也。乃分肥後封清正及小西行長。命清正居熊本。行長居宇土。皆食二十萬石。餘清正就國境內悉平。會天草人志岐林專天草伊豆皆據城不屬行長。行長遣兵擊之不克。乞援清正。清正率兵援之。賊將木山彈正陳山上。乘高馳擊。前軍擾亂。清正據胡床不動。彈正舉槍擬清正。清正鏖殺之。部將加藤清兵衛橫衝賊軍。賊軍悉敗。林專尋降。乃與行長攻伊豆。聯竹牌薄城。一夕城上有聲如

驟雨。衆驚視。狐狸數百出城逃去。清正悅曰：獸先去。城陷之兆也。遂明進攻。遂拔之。是日敵數十人拒戰城中。我兵擊而殲之。皆婦人也。衆有被創者。旁人嘲笑。清正怒曰：婦人健鬪。此乃丈夫戰而被創。何傷乎。乃獻捷。秀吉賞以名刀。清正記加藤清兵衛據碎玉話然行長竟不謝清正。清正惡之。已而清正民與行長民爭疆相訴。行長素與石田三成等善。由是右行長。清正遂與行長有隙。關原合戰誌秀吉滅北條氏。旋師召清正於國。清正迎之。參河曰：殿下威加海內。一宿鄉里亦天下偉談也。秀吉大悅。乃至尾張中村而宿焉。賞賜

村民。秀吉譜文祿元年秀吉伐朝鮮。命清正行長。遍日

為先鋒。秀吉譜授旗一面於清正。清正喜曰。臣以此揚

威風於海外。死不朽矣。清正記四月諸軍濟海。清正至

壹岐。風本遇風。尋進至熊川。聞行長拔釜山。大怒。遂

與諸將會於忠州。議分路攻國都。行長曰。赴國都有

二道。一險而近。一夷而遠。清正曰。吾取其近者。乃分

道而發。秀吉譜至漢江。朝鮮都元帥金命元設疑幟。列

船艦而逃。清正望見水鳥游泳。曰。此必疑兵也。乃令

善泅者取舟於北岸。以濟。清正記金命元換德錄至國都。則行

長既據之矣。秀吉譜清正益怒。乃與行長渡臨津。走金

命元。進至黃海道安城驛。謀分路略地。二人拈鬮。行

長得平安道。清正得咸鏡道。於是清正擒安城居氏

使鄉導一人。辭以不諳北路。即斬之。一人懼請先導

從谷山。踰老里峴。出鐵嶺北。日行數百里。勢如風雨。

遇北道兵使韓克誠於海汀倉。其兵善騎射。清正退

入倉中。時日已暮。克誠來圍。清正出倉中。穀石列置

巖城。多發鳥銃。鮮兵櫛比而立。中必貫穿。克誠退屯

嶺上。清正潛兵圍之。乘曉霧大呼突擊。鮮兵驚潰。悉

陷泥澤。我兵殺獲無算。克誠逃入鏡城。我兵追擒之。

時朝鮮主李昭二子瑋瑋逃至會寧府。清正聞之。窮

追會寧史鞠景仁縛二子迎清正。清正解縛置之軍

中。懲錄昭妻亦在會寧。我兵將擒之。清正止之。饋飲

食令去。譜秀吉清正帥衆饗二子。二子從者疑有變。擊

弓擬清正。清正諭之。語言不通。乃取印於燧囊。印紙

授之。從者擲弓而退。清正記秀吉譜清正乘勝深入

所向皆潰。一時喧傳。清正入兀良哈。清正記軍聲大震。

遠近畏懼。懲錄平攘錄清正還咸鏡道。禁濫殺。戒侵掠。民

皆往來軍中。鬻物。錄鈴明年正月。明兵大至。平壤不守。

明都御史宋應昌以為清正孤立無援。可以虛聲奪

也。乃遣辯士馮仲纓來咸鏡道。平攘錄說清正曰。我皇

帝怒貴國憑陵。發兵四十萬來討。破之平壤。破之漢

城。破之釜山。所在殲蕩無遺。而孤軍僅存者。唯有子

耳。而我皇帝聞子號令。整肅百姓。按堵深加嘉獎。今

若還李昭二兒。遽撤兵。則當以舟師送還。不然旌麾

所指。片甲不還。子以為何如。清正對曰。囚人處分待

太閤命。安得相付。如行長等。持我軍鄉導耳。非將帥

也將帥。則有豐臣清正。請速以大兵來。此地有高山。

縱冒險來進。日不得過一萬。我日廩萬人。四旬而畢。

然後長驅入貴國。縛貴國之主。猶李昭二兒。仲纓不

能答而去。清正記鎮西要略清正携銃遊獵。斃猛獸自娛。常山

紀浮田秀家遣使召還清正記時群盜圍金山清

正遣兵救之相良長每在北青城亦為賊所圍清正

又救之賊徒咸潰二月帥諸軍還國都參取秀吉譜征韓錄初

清正擒貽二子報之秀吉秀吉擊節歎賞東照公

在側曰先鋒之任真得其人秀吉賞以五百金清正記

行長及石田三成聞而惡之欲沮毀其功遂贊成和

議五月秀吉命還貽二子清正憤恚秀吉譜已而秀吉

致書曰前日諸將攻晉州不能拔且拔之然後講和

清正惡行長奸詐欲屠晉州以破其議秀吉譜征韓錄六月

與諸將發東萊向晉州明總兵劉綎大驚致書清正

陳利害清正不納隱峯野史遂進薄城或傳城兵逃去諸

軍登山窺城中不見一人眾請入清正曰彼果遁邪

拔之不為功果有伏邪吾必陷術中公等且待之日

將暮伏兵四起旌旗滿城諸軍大驚曰我軍不敗加

藤氏之力也清正記清正先眾攻之城兵拒守甚力晝

夜苦戰聲震天地累日不拔清正命作大櫃置四輪

車上被以牛革名曰龜甲乃問眾曰孰能乘之毀城

者有三卒奮曰使主君拔城死不恨矣即乘之銃卒

數十推挽而進火箭雨下卒以鐵錐鑿城遂壞城隅

倒樓櫓眾呼譟而上清正部下飯田角兵衛執旗先

登諸將督衆繼之。城兵殲焉。秀吉稱清正功為第一。

參取清正記隱峯野史征清正進兵湖南。或謂之曰。

攻城數日。精銳挫甚。以此攻湖南未必得志。宜休兵。

清正從之。隱峯野史十一月清正以內藤如安之明久而

無報。謂為明所殺。引兵攻安康。劉綎等來救。征韓錄平攘錄

秀吉譜綎於明諸將中最驍勇。馬上執大刀輪轉如飛。

明史清正設伏險隘誘之。綎縱兵來進。伏發斬三百餘

人。綎等逃還慶州。平攘錄及和議成。諸將旋師。清正與

行長留守釜山浦。秀吉譜慶長元年秀吉召還清正。清

正方出屯全州。乃引兵而還。路經密陽。過戶田氏繁

氏繁兵緩服出迎。清正戎裝跨馬。隊伍肅然。及解裝。

取腰間絳囊投之。乃錢糧也。氏繁問曰。近地無敵。何

乃如是。清正曰。吾非不欲優逸。顧將帥不警。士氣必

弛。一旦蹉跌。前功皆廢。吾雖不見敵。常如臨敵。正為

此耳。常山紀談年六月清正與行長濟海而還。秀吉譜

時三成等譖清正於秀吉。秀吉怒欲罪之。清正知之。

既至。伏見。過增田長盛。謂之曰。吾懼讒毒。子幸辨晰。

長盛曰。若與三成釋怨。我當白之。清正作色曰。吾誓

不與讒人釋怨。寧冤死耳。言訖而出。會地大震。屋宇

傾倒。清正帥卒二百馳至。伏見。秀吉方出。避於庭。清

正

正望見。呼曰。臣暴露異域。攻戰累歲。縛其王子。斬其將帥。拔其城邑。殿下奈何以一二讒人之言。棄臣百戰之勞。而不顧。臣屢遭讒。瀕死者三。然天道昭明。臣得不死。唯殿下留意。秀吉見其瘦黑。憫之。清正呼曰。暮夜無備。臣請守門。秀吉領之。乃令將士守。三成至。不得入。怒曰。孰過我者。清正曰。加藤主計頭在斯。三成益怒曰。卿非罪人邪。何為在斯。秀吉命納三成。清正令曰。使眇小鈍夫入。明日召見諸將。諭清正曰。公昔事太閤。親近左右。太閤方為筑州。至今日。則非復往日之筑州也。公慎勿為故態。清正獻虎皮狸種。以

謁秀吉。戲曰。無乃掠奪來耶。乃進之。問曰。吾未嘗授吾姓於卿。卿何為妄稱豐臣氏。清正曰。明使以虛喝來。臣亦以虛喝應之。秀吉怒解。顧東照公曰。彼幻時。我常置之膝上。故口氣甚似我。我悔還王子。乃賜姓豐臣氏。授以名刀。清正記和議敗。諸將赴朝鮮。清正行長。再為先鋒。秀吉譜二年正月。清正先諸軍入朝鮮。復竹嶋舊壘。與釜山守兵合攻梁山。逐其守將。至西生浦。以牌文曉諭人民。沈惟敬使朝鮮僧松雲遺清正書曰。邢玠兵七十萬將至。何不徹兵。清正復書曰。鮮兵不足與戰。願遇明兵一戰。長驅入明。惟敬大驚。

遣人就清正臣求和不聽。秀吉譜平壤錄一日諸將啓事秀

吉連署押字。清正押字筆畫繁密。久而成。福嶋正則

曰。押字宜疎。臨死押遺狀。繁者恐不能書。清正曰。文

夫當橫骨原野。遺狀何為正則慙服。常山紀談○瑣語清正作隆景

八月清正發西生浦。西向全羅將與行長冰路兵會

攻南原。朝鮮元帥權慄等望風逃去。諸壘皆潰。安陰

縣監郭趨守黃石山城。清正攻拔之。斬趨及二子。懲

錄行長攻南原。清正與毛利秀元進屯全義館。以備

國都援兵。征韓錄全義館距國都百五十里。國都人民

聞清正等至。晝夜驚走殆盡。清正屯蔚山。平壤錄十一

月欲營水路諸城。赴機張。使加藤清兵衛守蔚山。蔚

山南有鳥山。清正兵守之。秀吉譜二城依山為固。勢甚

險峻。十二月。明將楊鎬麻貴等帥兵四萬至慶州。平壤錄

清兵衛脩蔚山城。未畢。出居城外。夜忽聞銃聲。起

視。則明兵來薄。飛矢雨注。吹唇沸地。我軍大駭。清兵

衛血戰入城。淺野幸長從彥陽入援。清正記李如梅楊

登山等來攻。我兵開門出盪敵。退走。我兵追擊。誤入

伏中。敵四起。我兵奮戰。斬級三千。敵乃退。參取秀吉譜平壤錄

蔚山鳥山之間。有川。李方春解生等泛舟而進。縱火

民家。將乘烟入城。城兵叢銃擊破敵舟。溺死無算。方

春等僅免。秀吉譜我兵有被擒者給曰清正在城敵

蓋來薄我兵乃植三柵於兩山之間灌之以水經宿

皆凍堅如石。征伐記三柵茅國器陳寅等破柵來進

平攘錄清兵衛白袍躍馬督衆拒守明兵望見以為

清正。明紀事然衆寡不敵我兵退入鳥山。征伐麻貴

乃攻鳥山城新修以石堅甚明兵仰攻不能遽上。平

錄明我兵禦戰却之貴又督衆來薄城上亂擲巨石

殺傷甚衆。秀吉譜征代記清正聞報曰長政託我以

幸長幸長而死何顏見長政乃命具舟將士皆曰衆

寡懸絕請待後援清正曰蔚山吾城也今諸軍遠而

蔚山急吾遲迴待援而蔚山不守死有餘辱庸可緩

乎遂帥兵五百乘舟赴之。清正舟子望見敵艦鱗次

懼而不進清正怒曰闔軍赴死汝獨畏死乎吾當殺

汝舟子乃進。太閤清正戴銀兜鍪挾眉尖刀指麾兵

士敵艦圍繞欲過之森本義大夫飯田角兵衛發銃

衝突猛氣咆勃敵艦皆糜清正直入蔚山城中心銳氣

百倍。清正明兵再來攻城兵悉力捍禦矢礮雨下敵

不能支謀合長圍以困之時際窮冬風雪裂膚清正

知敵無固志日夜發銃碎鐵為丸用藥煮之中者輒

死僵尸相枕已而糧竭殺牛馬食之每造飯先食善



銃者衆心危懼。清正神氣自若。平攘錄明史詐使人乞降。

明兵益懈。明年正月我諸將來援。楊鎬大懼。狼狽先

奔。諸軍繼之。清正縱兵逐北。斬首萬級。獲遊擊盧繼

忠。器械狼藉盈路。秀吉譜征代記平攘錄明史是役也。明人傾一

國全力。合朝鮮通國之衆。謀之經年。而竟為我兵所

破。明人歎曰。清正才能勝行長數倍。乃不審堅瑕。先

攻清正。宜其敗也。平攘錄清正益增築城壘。分兵守西

生浦。機張。從信錄三九月又與麻貴相持。貴畏清正

堅壁不出。平攘錄清正偽退誘之。貴入空壘。伏兵起。旗

旌蔽空。貴敗走。明紀事本末十月秀吉凶問至。清正與諸

將旋師。會於博多。淺野長政、石田三成、陳秀吉遺言

勞之三成謂諸將曰。明年會於伏見。設茗宴以盡歡。

清正曰。吾苦戰七年。無復斗糧。纔能供稗粥耳。三成

默然。秀吉譜清正記朝鮮之役。諸將多與三成有隙。五年清

正與淺野幸長、福嶋正則、加藤嘉明等俱請誅三成。

東照公為罷三成職。關原合戰誌是秋就國。明年東照

公討上杉景勝。三成舉兵大坂。清正聞之。送款關東。

東照公報曰。卿能平定鄰境。給以肥後一國。藩翰清譜

正會衆議之。衆咸曰。四境皆敵。孤城無援。不亦危乎。

清正曰。吾受太閤厚恩。何敢背嗣君。顧今日之事。皆

出於三成行長耳。朝鮮之役，二人媚嫉我功，媒藥挫抑，必欲置我於死地。幸而太閤悔悟，吾得不死。今又乘嗣君幻弱，誘煽諸將，興無名之師。彼若得志，宿將如我者固不得免，而嗣君亦安得晏然。此吾之所以屬關東也。衆乃服。參取清正記 石卯餘史遂發兵攻宇土薩摩，將本鄉能登來救我兵，破斬之。及行長敗，問至城，兵出降。乃與黑田孝高攻立花宗茂於柳川，宗茂輸城於清正。清正將與孝高攻薩摩會。東照公命罷兵。清正記 悉賜行長邑食五十萬石 清正記 藩籙譜明年春往江戶謝之。清正記東照公謂諸將曰：「諺有之：土得雨而

後堅。天下自是無事矣。諸將皆賀。清正曰：「安知迅雷驟雨不作於晴後乎？」公嗟賞。常山紀談清正營第宅於江戶，刻麒麟裝門楣，大如馬。人知其豪氣未除。落德集十四年秋就國。舟中顧左右曰：「吾聞伊達政宗近召歌妓，設雜劇。德川公聞之欣然。今凶亂既平，海內寧息，雄彊如政宗亦娛意聲伎，可以卜天下之無患矣。此乃公之所以喜也。吾亦當輕裘緩帶，近歌童舞女，以追蹤政宗耳。」尋設伎樂於國。清正記 武家間談然生平感秀吉知遇，傾心擁佑。秀賴每赴江戶，必先謁秀賴於大坂。本多正信嘗問曰：「今西國諸侯過大坂而